

ՀԱՍՏԱՏՎԱԾ Է

ԵՊՀ Իջևանի մասնաճյուղի գիտական
խորհրդի 27.02.2009թ. թիվ 1 նիստում,
ԳԽ նախագահ, տնօրեն

Ս. ԱՌԱՔԵԼՅԱՆ
«___» փետրվար 2009թ.

Կ Ա Ն Ո Ն Ա Կ Ա Ր Գ

«ԵՊՀ ԻՋԵՎԱՆԻ ՄԱՍՆԱՃՅՈՒՂ» ՊՈԱԿ-Ի «ՕՐԻՆԱԿՆԱՈՒԹՅԱՆ ՊԱՅՊԱՆՄԱՆ ԵՎ
ՈՒՍԱՆՈՂՆԵՐԻ ԻՐԱՎՈՒՆՔՆԵՐԻ ՊԱՇՏՊԱՆՄԱՆ» ՀԱՆՁՆԱԺՈՂՈՎԻ ԱՇԽԱՏԱՆՔՆԵՐԻ
ԿԱԶՄԱԿԵՐՊՄԱՆ ՄԱՍԻՆ

1. ԸՆԴՀԱՆՈՒՐ ԴՐՈՒՅԹՆԵՐ

1. 1. «Օրինականության պահպանման և ուսանողների իրավունքների պաշտպանման»
հանձնաժողովը իր գործունեությանը իրականացնում է «ՀՀ կրթության մասին» օրենքի և
«ԵՊՀ Իջևանի մասնաճյուղի ներքին կարգապահական կանոնների» պահանջներին
համապատասխան:

Հանձնաժողովը հաշվետու է միայն մասնաճյուղի տնօրենի առաջ:

1. 2. Սույն կանոնակարգը սահմանում է մասնաճյուղում օրինականության
պահպանման և ուսանողների իրավունքների պաշտպանման իրավական ողջ գործընթացը,
նրա կարգավորման ենթակա խնդիրները, այն անձանց շրջանակը, որոնց իրավունքները
ենթակա են պաշտպանության:

1. 3. Հանձնաժողովը կազմավորվում է 6 անդամից, որից 1-ը նախագահ, 1-ը
հանձնաժողովի քարտուղար, իսկ 4-ը անդամներ:

Հանձնաժողովի երեք անդամներ առաջադրվում են մասնաճյուղի տնօրենի, իսկ մյուս
երեքը՝ գիտական խորհրդի կողմից:

1. 4. Հանձնաժողովի սույն գործառության պարտականությունները կարող են լրացվել
կամ փոփոխվել ԵՊՀ Իջևանի մասնաճյուղի տնօրենի համաձայնությամբ:

2. ՀԱՆՁՆԱԺՈՂՈՎԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

«Օրինականության պահպանման և ուսանողների իրավունքների պաշտպանման»
հանձնաժողովը իրավունք ունի.

2. 1. Բացահայտ և անլուր եղանակներով պարզել մասնաճյուղում տիրող օրինականության վիճակը, հետաքրքրություն ներկայացնող տեղեկությունների մասին անհասպաղ տեղյակ պահել մասնաճյուղի տնօրենին և անհարաժեշտության դեպքում նշված հարցը քննարկել հանձնաժողովի նիստում, որի ընթացքում պարզել օրինախախտումների առաջացմանը նպաստող պատճառներն ու պայմանները և ձեռնարկել համապատասխան միջոցառումներ այդպիսիք վերացնելու համար:

2. 2. Օրինականության պահպանման և ուսանողների իրավունքների պաշտպանման աշխատանքներն ավելի արդյունավետ դարձնելու նպատակով մասնաճյուղում ստեղծել դիմում-բողոքների և առաջարկությունների ընդունման արկղ, որի պարունակությունը հանվում է շաբաթը մեկ անգամ հանձնաժողովի երեք անդամների ներկայությամբ: Արկղում եղած դիմում-բողոքներն ու առաջարկությունները ուսումնասիրվում են անմիջապես, ձևակերպվում և ըստ էության նրանց տրվում է ընթացք, կամ էլ առանձին դեպքերում անմիջապես զեկուցվում է մասնաճյուղի տնօրենին:

2. 3. Մասնաճյուղի կառուցվածքային ստորաբաժանումների ղեկավարների հետ համատեղ իրականացնել օրինականությանն ու ուսանողների պաշտպանմանն ուղղված համալիր միջոցառումներ, այդ թվում առանձին օրինախախտումների վերաբերյալ համատեղ ուսումնասիրություններ և քննարկումներ:

2. 4. Աշխատանքային համագործակցված կապ պահպանել մասնաճյուղի ֆակուլտետների կուրսերի ավագների հետ և նրանց օգնությամբ պարզել հանձնաժողովի գործառությանն ենթակա հարցերի վերաբերյալ հանգամանքեր ու փաստեր և ըստ էության դրանց տալ հետագա ընթացք:

2. 5. Հանձնաժողովը իր գործունեությունը իրականացնում է համաձայն եռամսյակային աշխատանքային պլանի, որը հաստատվում է հանձնաժողովի հերթական նիստի ժամանակ: Աշխատանքային պլանի մեջ ներառվում են օրինականության և ուսանողների իրավունքների պաշտպանությանն ուղղված, ինչպես նաև կոռուպցիոն դրսևորումների դեմ իրականացվող համալիր, անհատական և ընդհանուր բնույթի դաստարակչական և նախագուշական միջոցառումներ:

2. 6. Յուրաքանչյուր ամիսը մեկ անգամ, իսկ առանձին դեպքերում ավելի հաճախ, հրավիրվում է հանձնաժողովի նիստեր, որին մասանկից են դարձվում նաև այն անձիք ու ուսանողները, ինչպես նաև ֆակուլտետների ղեկավարներ, ամբիոնի վարիչներ, դասախոսներ, որոնց իրավունքները խախտվել են, կամ էլ նրանց ներկայությունը պարտադիր է հարցի քննարկման ժամանակ:

2. 7. Հանձնաժողովի կողմից նախապատրաստվող և քննարկվող հարցերի մասին նախապես տեղյակ պահել մասնաճյուղի տնօրենին, իսկ նրա բացակայության դեպքում

փոխարինող անձին, առանձին դեպքերում տնօրենի համաձայնությամբ հարցի քննարկումը կազմակերպել տնօրինության նիստերում:

2. 8. Մասնաճյուղի աշխատանքային գործունեության որևէ ոլորտում օրինախախտումներ կամ կոռուպցիոն դրսևորումներ հայտնաբերելու, ինչպես նաև հասատության շահերին վնաս պատճառելու կամ այդպիսի վնասի իրական վտանգի դեպքում այդ մասին անհապաղ տեղյակ պահել մասնաճյուղի տնօրենին և մատնանշել դրանց կարգավորման օրինական ճանապարհները:

2. 9. Մասնաճյուղում ուսանողների իրավական դաստիարակության մակարդակի բարձրացման նպատակով պարբերաբար հաստատություն հրավիրել մարզի իրավապահ մարմինների ղեկավարների և առանձին աշխատակիցների՝ իրավական թեմաններով դասախոսություններ կարդալու համար:

2. 10. Հանաձնաժողովի աշխատանքները լուսաբանելու նպատակով մասնաճյուղի առանձին մասանշենքերում ստեղծել համապատասխան անկյուններ և կազմակերպել պատի թերթեր, որոնց միջոցով ներկայացնել ուսանողների իրավունքների պաշտպանման և օրինականության պահպանման գործում կատարված աշխատանքներն ու բացթողումները: